

P R A V I L A K O R I Š T E N J A

mobilnih kućica prilikom realizacije manifestacije „Zima u Tuzli“ 2023/2024 u periodu od 15.12.2023. godine do 07.01.2024. godine

Pravila korištenja mobilnih kućica prilikom realizacije manifestacije „Zima u Tuzli“ 2023/2024 (u daljem tekstu: Pravila korištenja) u periodu od 15.12.2023. godine do 07.01.2024. godine uređuju odnose između krajnjih korisnika mobilnih kućica (u daljem tekstu „Korisnik“) i Turističke zajednice grada Tuzle (u daljem tekstu „Organizator“).

Korisnik prijavljuje svoje sudjelovanje prijavom na Javni poziv (*Obrazac I*), a prilikom prijave potpisuje Izjavu kojom garantuje poštivanje svih Pravila korištenja, kako slijedi:

I POŠTIVANJE RADNOG VREMENA, ZAKONSKIH PROPISA I OBAVEZA ODRŽAVANJA

Korisnik je dužan poštovati radno vrijeme **od 10.30 do 15.00 i od 18.00 do 23.00**, kako je navedno u Javnom pozivu za dodjelu na korištenje mobilnih kućica u periodu od 15.12.2023. godine do 07.01.2024. godine, u svrhu podrške i pomoći sektoru poduzetništva i obrta na teritoriji grada Tuzle (u daljem tekstu: Javni poziv).

Korisnik je dužan, zajedno sa ostalim Korisnicima, kućicu i prostor oko kućice održavati urednim i čistim (odlaganje smeća u ustupljene kante za smeće, čisiti snijeg u slučaju snježnih padavina, zatvarati suncobrane svaku noć nakon radnog vremena, kako bi se preduprijedile štete uslijed vremenskih nepogoda, itd.) za cijelo vrijeme perioda korištenja, te kućicu Organizatoru po završetku manifestacije „Zima u Tuzli“ 2023/2024 (u daljem tekstu: manifestacija) predati u stanju u kakvom je Korisniku ustupljena.

Korisnik je dužan kućicu koristiti i čuvati sa pažnjom dobrog domaćina i pažnjom dobrog privrednika, a za sve eventualne štete koje nastanu za vrijeme korištenja kućice, dužni su odgovarati Organizatoru (namirenje stvarno nastale štete).

U slučaju snježnih padavina u periodu korištenja kućice, svaki Korisnik dužan je poduzeti sve radnje koje se odnose na čišćenje, razgrtanje i uklanjanje snijega i ledenica sa kućice i prostora kojeg koristi oko kućice, kao i sa ugostiteljskog mobilijara/inventara, a u svrhu održavanja prohodnosti i sprečavanja poledice i pada ledenica.

Korisnik je prilikom pripremnog perioda, perioda korištenja kućica i raspremnog perioda dužan pridržavati se Zakona o zaštiti na radu, Zakona o zaštiti od požara, Zakona o zaštiti okoline te svih važećih propisa koji uređuju djelatnost koju korisnik obavlja, kao i odredaba Ugovora o učešću u manifestaciji „Zima u Tuzli“ 2023/2024, te s tim u vezi snositi punu odgovornost za nepoštivanje i nepridržavanje navedenih propisa.

II ZAŠTITA LJUDI I IMOVINE

Organizator je obavezan obezbijediti usluge Agencije/Službe za zaštitu ljudi i imovine tokom 24 sata, za svaki dan trajanja manifestacije.

Organizator je dužan obezbijediti i dežurnu osobu za period korištenja kućica koji će sve eventualne probleme rješavati odmah i na licu mesta u koordinaciji sa raspoloživim i nadležnim službama i preduzećima.

III ZABRANA UNIŠTAVANJA MATERIJALNIH DOBARA ČIJE KORIŠTENJE JE PREDMET JAVNOG POZIVA

Zabranjena su ponašanja koja upućuju na uništavanje materijalnih dobara, prvenstveno mobilnih kućica i ostale pripadajuće opreme, kako korisnicima, tako i posjetiocima i drugim licima.

Predstavnici agencije/službe za zaštitu su dužni da u okviru svojih ovlaštenja poduzmu mјere sprječavanja ovakvih ponašanja.

Prilikom korištenja kućica, zabranjena su i bilo kakva ponašanja koja upućuju na kršenje zakonom zagarantovanih ljudskih prava i sloboda, ali i ponašanja koja upućuju na promociju političkih uvjerenja i podržavanje rada političkih stranaka.

IV ZABRANA USTUPANJA TREĆIM LICIMA

Korisniku nije dozvoljeno ustupanje kućice ili izložbenog prostora trećim licima, osim ako lice radi prema nalogu i za račun Korisnika, a o čemu je Korisnik dužan obavijestiti Organizatora.

V KORIŠTENJE PROSTORA NA KOJEM SU KUĆICE POSTAVLJENE

Korisnik je obavezan obezbijediti uslove za konzumaciju proizvoda, odnosno u slučaju gastronomiske ponude obezbijediti ambalažna pakovanja prikladna za konzumaciju na licu mjesta, te obavezno poštivati higijensko-sanitarna pravila pri radu i usluživanju.

Svaki Korisnik je dužan korisiti samo prostor oko kućice koju koristi, bez narušavanja prostora drugih kućica.

VI ODLAGANJE OTPADA

Za svaku kućicu Organizator će obezbijediti kante za otpatke, te će na za to prikladnom mjestu pored Trga slobode (parking) biti postavljeni kontejneri za odlaganje otpada.

Korisnik je dužan pravovremeno odlagati sav otpad, prazneći svoje kante za smeće odnošenjem na za to određeno mjesto (kontejner), a Korisnicima se smatraju i osobe koje rade prema nalogu i za račun Korisnika.

VII OBAVEZA ZAŠTITE OD POŽARA

Zaštita od požara obuhvata skup mјera i radnji koje se utvrđuju i preuzimaju u cilju sprječavanja izbjivanja i širenja požara, otkrivanja, lokalizacije i gašenja požara te spašavanja ljudi i materijalnih dobara ugroženih požarom.

U kućicama i na prostoru oko kućica dozvoljena je upotreba samo onih električnih uređaja, uređaja na plin i instalacija, koje po svojim tehničkim karakteristikama odgovaraju tehničkim propisima.

Zakonske, tehničke i mјere koje su utvrđene od strane nadležnih organa, a odnose se na zaštitu od požara, dužni su da sprovode svi Korisnici (ukoliko rade u kućicama) i/ili lica koja u kućicama rade za Korisnika, i to kako slijedi:

- a) obavezno posjedovanje potvrde o obučenosti sa aspekta zaštite od požara (izdata od strane nadležnog organa ili ovlaštenog pravnog lica);
- b) za lica koja rukuju aparatima na plin, obavezno posjedovanje potvrde o stručnoj osposobljenosti za rukovanje zapaljivim gasovima (izdata od strane nadležnog organa ili ovlaštenog pravnog lica),
- c) obavljanje poslova i radnih zadataka prema tehničkim i drugim propisanim uputstvima uz zabranu svake improvizacije i neprovjerenih postupaka koji mogu dovesti do požara i druge nezgode;
- d) sve uočene kvarove na opremi, uređajima i instalacijama sanirati u što kraćem roku, a zabranjeno je nestručnim licima davati mogućnost bilo kakve intervencije i popravke na opremi, uređajima i instalacijama;
- e) u kućicama i/ili u njihovoј neposrednoj blizini zabranjeno je držati zapaljive i vatropasne materije (npr. plinska grijalica), osim na propisima određen način;
- f) zabranjeno je na prostoru Trga slobode vršiti spaljivanje otpadaka i loženje otvorene vatre;
- g) svaki Korisnik ili lice koje radi za Korisnika, dužno je poslije završenog rada i prije napuštanja kućice, isključiti sve električne aparate i/ili aparate na plin.

Svaka plinska boca mora biti opremljena propisanim crijevom učvršćenim odgovarajućim šelnama (širine cca. 0,5 cm) i uredno servisirana sa potvrdom o izvršenom kontrolnom pregledu, koja ne smije biti starija od 5 godina. Svaka plinska boca ima proizvodni broj utisnut u metal.

Pored toga, za svaku kućicu potrebno je obezbijediti ispravan protupožarni aparat S6 (sa papirom koji ide uz karticu), a koji mora biti uredno servisiran u skladu sa važećim zakonskim i tehničkim propisima i standardima te postavljen na uočljivom i vidljivom mjestu.

Prije potpisivanja ugovora sa Organizatorom, Korisnik je dužan upoznati ga o planiranoj konačnoj potrošnji električne energije u kućici (iznos kW).

Za sve propuste i nepoštivanje mjera zaštite od požara u kućicama kao i posljedice proizašle iz takvih radnji, u potpunosti odgovara Korisnik kućice.

Organizator se obavezuje na izradu Elaborata o ispravnosti električnih instalacija kao i Elaborata o zaštiti od požara, kao i provođenje praktične obuke Korisnika kućica za rukovanje protupožarnim aparatima.

VIII UREĐENJE I DEKORACIJA KUĆICE

Za vrijeme korištenja kućice, svaki Korisnik je obavezan da kućicu uredi/ukrasi u duhu novogodišnjih praznika na način da se minimalno postavi osvjetljenje nizovima LED dekorativnih lampica tople bijele boje po obodima kućice sa prednje strane, uključujući i obod krova, te da se obezbijedi prikladan ukrasni assortiman u i oko kućice, a koji doprinosi prazničnom ugodžaju.

Naziv ugostiteljskog objekta ističe se na za to predviđeno mjesto sa prednje strane kućice, iznad prozora za prodaju.

Korisnici kućica i/ili lice koje radi za Korisnika, ne mogu na kućici i drugom mobilijaru, te na ukrasnom asoritmanu isticati brendove i robne marke, a za koje Organizator nema potpisane

važeće ugovore o sponzorstvu manifestacije (o čemu će Korisnici biti blagovremeno obaviješteni prije početka manifestacije).

Svako postupanje suprotno navedenom će biti predmet jednostranog raskida ugovora o učešću u manifestaciji, ukoliko Korisnik i Organizator ne postignu dogovor vezan za naplatu usluga reklamiranja.

Svako dodatno postavljanje brendiranih suncobrana i mobilijara mora biti predmet odobravanja od strane Organizatora, u smislu isticanja brenda i naplate usluge reklamiranja.

IX ORGANIZACIJA ZABAVNOG SADRŽAJA

Svaki Korisnik može, ovisno o mogućnostima, organizirati zabavni sadržaj poput sljedećeg:

- nagradne igre za posjetioce, uz zabranu organizacije klađenja i kockanja,
- prisustvo animatora - klovn, Djed Mraz, vilenjaci, itd.,
- usluge fotografisanja posjetilaca,
- hostese koje promovišu sadržaj i usluge Korisnika,
- društvene igre za goste (pub kviz i sl.) itd.,

uz obavezu koordinacije sa Organizatorom kako ne bi došlo do preklapanja zabavnog sadržaja u toku manifestacije, te uz obavezu poštivanja rada ostalih kućica i Pravila korištenja.

X VREMENSKO TRAJANJE

Ova Pravila strogo se moraju poštovati od strane Korisnika i/ili lica koje radi za Korisnika, posjetitelja i drugih lica, i ista će biti na snazi u periodu od 15.12.2023. godine do 07.01.2024. godine.

XI OTKAZIVANJE MANIFESTACIJE

Organizator manifestacije „Zima u Tuzli“ 2023/2024 zadržava pravo da istu otkaže i to u opravdanim slučajevima koji se nisu mogli predvidjeti u vrijeme poduzimanja njenih organizacijskih i realizacijskih aktivnosti.

Manifestaciju će Organizator otkazati ukoliko nastupe slučajevi više sile, kao npr.: prirodne pojave u vidu elementarnih nepogoda, požar, štrajk i demonstracije, zabrana kretanja i javnog okupljanja i druge slične restriktivne mjere ili mjere druge vrste, izdate od strane nadležnih organa, u vrijeme trajanja manifestacije.

XII SPONZORSTVA

Organizator će imati glavnog sponzora manifestacije iz pivarske industrije, a čiji će se pivski assortiman ekskluzivno posluživati/prodavati u kućicama, o čemu će Korisnici kućica biti blagovremeno obaviješteni.

Organizator će za sve kućice obezbijediti suncobrane i pripadajući ugostiteljski mobilijar (stolovi/frižideri) glavnog sponzora manifestacije iz pivarske industrije.

Svako dodatno postavljanje brendiranih suncobrana i mobilijara tretirati će se u skladu sa tačkom VIII Pravila.

XIII NAPOMENE

Organizator će, u toku cijelog trajanja manifestacije, imati osoblje koje će na terenu pratiti poštivanje Pravila korištenja, i prema ukazanoj potrebi, sačinjavati službenu zabilješku o kršenju istih. U slučaju kontinuiranog kršenja Pravila korištenja od strane Korisnika (grubo kršenje ugovornih obaveza) unatoč upozorenjima i preporukama Organizatora, Organizator ima pravo jednostrano raskinuti ugovor o učešću u manifestaciji sa ovakvim Korisnikom.

Posljedice raskida ugovora iz prethodnog stava ogledaju se u pravu zadržavanja uplaćenih sredstava na ime iznosa sufinansiranja i obaveze Korisnika da u roku od 24 sata napusti kućicu, u kojem slučaju se ista dodjeljuje drugom Korisniku, u skladu sa odredbama Pravilnika o organizaciji i realizaciji manifestacije „Zima u Tuzli“ 2023/2024 i uslovima Javnog poziva za dodjelu na korištenje mobilnih kućica.

Ukoliko se utvrdi da je Korisnik kućice nesavjesnim radom i nepoštivanjem ovih Pravila korištenja izazvao prekide u napajanju električnom energijom, doveo svoju i ostale kućice u opasnost od nastanka požara ili izazvao isti, ili na drugi nesavjestan način izazvao opasnost po Korisniku i same kućice i materijalna dobra, sa tim Korisnikom će biti raskinut ugovor na način opisan u prethodnom stavu te više neće imati mogućnost prijave na Javne pozive za učešće u ovoj i sličnim manifestacijama Organizatora. Pored toga, smatraće se odgovornim za prouzrokovana štetu koju je nesavjesnim radom i ponašanjem izazvao.

Zabranjena je konzumacija nargila na Trgu slobode u okviru manifestacije.

Za vrijeme manifestacije Korisnici ne mogu puštati vlastitu muziku u i pored kućice koju koriste, jer će se Organizator pobrinuti da za cijeli prostor Trga slobode u vrijeme manifestacije bude obezbjeđena muzička podloga i nastupi uživo.

I Z J A V A

U svrhu realizacije manifestacije „Zima u Tuzli“ u periodu od 15.12.2023. godine do 07.01.2024. godine, koju organizuju Turistička zajednica grada Tuzle i Grad Tuzla, pod punom materijalnom, moralnom i krivičnom odgovornošću, a u svojstvu Korisnika mobilne kućice, izjavljujem da prihvatom Pravila korištenja kućica objavljena uz Javni poziv.

M.P.

(potpis odgovorne osobe - Korisnika)

Naziv Korisnika: _____

Mjesto, _____

Datum: _____